

**UPUTSTVO KANDIDATIMA KOJI SU SE PRIJAVILI NA KONKURS ZA  
UPIS STUDENATA U PRVU GODINU INTEGRISANOG STUDIJA NA  
MEDICINSKOM FAKULTETU UNIVERZITETA U TUZLI U  
AKADEMSKOJ 2017/18. GODINI**

Prijemni ispit na Medicinski fakultet, INTEGRISANI studij medicine, Univerziteta u Tuzli polaže se iz predmeta: **BIOLOGIJA, HEMIJA I FIZIKA.**

**MJESTO POLAGANJA PRIJEMNOG ISPITA BIĆE OBJAVLJENO DAN PRIJE ISPITA NA OGLASNOJ PLOČI MEDICINSKOG FAKULTETA.**

Prijemnom ispitu može pristupiti kandidat čija je prijava na Konkurs potpuna i blagovremena. Identifikovanje kandidata vrši se ličnim dokumentom kao što je: lična karta, pasoš ili vozačka dozvola. Studenti strani državljanji identifikuju se pasošem. **NAPOMENA:** Kandidat koji ne bude posjedovao neki od navedenih dokumenata, neće moći pristupiti prijemnom ispitu.

Kandidati trebaju doći na mjesto određeno za polaganje prijemnog ispita najmanje 15 minuta ranije. Kandidat koji zakasni na prijemni ispit neće moći pristupiti polaganju prijemnog ispita.

Prijemni ispit radi se tri školska sata. Test na prijemnom ispitu **OBAVEZNO** se radi **NEBRISIVOM HEMIJSKOM OLOVKOM PLAVE BOJE** (kandidati takvu olovku obavezno moraju donijeti na prijemni ispit). Kandidat koji na bilo koji način (imenom, simbolom i sl.) obilježi/označi svoj test biće eliminisan sa kvalifikacionog ispita.

Ukoliko se odgovor na pitanje daje po sistemu zaokruživanja, svaki drugi oblik označavanja (precrtavanje, podvlačenje, dopisivanje i sl.) smatraće se netačnim odgovorom. Ukoliko se odgovor daje dopisivanjem teksta ili izradom zadatka, dopisani tekst/postupak izrade zadatka treba da bude pregledan i čitljiv. Pri izradi zadatka neophodno je napisati cjelokupni postupak izrade i zaokružiti tačan odgovor.

Na prijemnom ispitu nije dozvoljeno unošenje nikakvih elektronskih pomagala (kalkulatora, mobitela i slično), kao ni pisanih materijala. **KANDIDAT KOJI SE NE BUDE PRIDRŽAVAO UPUTSTVA O ELEKTRONSKIM POMAGALIMA I PISANIM MATERIJALIMA ĆE SE UPOZORITI, A POTOM UDALJITI SA PRIJEMNOG ISPITA.**

Nakon isteka roka za izradu prijemnog ispita, test svakog kandidata će u njegovom prisustvu kopirati član Komisije. Jedan od članova Komisije i kandidat će svaku iskopiranu stranicu testa (kopira se na praznim listovima ovjerenim pečatom Studentske službe) potpisati odmah ispod pečata u gornjem desnom uglu lista. Kandidat će originalan test pred Komisijom zatvoriti (zalijepiti) u veliku kovertu i predati Komisiji a za sebe zadržati potpisanu kopiju testa. Nakon što svaki list kopije potpiše kandidat lično i neko od članova komisije, kandidat može napustiti prostoriju u kojoj je radio test. Prilikom kopiranja testa posljednjeg kandidata Komisija mora obezbijediti javnost, pod kojom se podrazumijeva prisustvo najmanje još dva kandidata koja su radili prijemni ispit u istoj prostoriji.

**PREDSJEDNIK KOMISIJE ZA REALIZACIJU KONKURSA**  
Prof. dr. sc. med. Nermina Hadžigrahić